



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მელამურა

მელამურა (*Nyctalus*), ძუძუმწოვრების გვარი გლუვცხვირიან ხელფრთიანთა ოჯახისა. გავრცელებული არიან ევრაზიის ჩრდ. აფრიკისა და აზორის კუნძულების ფოთლოვან ტყეებში. გვხვდებიან როგორც ბარში, ასევე მთაში. ცხოვრობენ კოლონიებად ხის ფულუროებში. იკვებებიან უმთავრესად ხოჭოებით და პეპლებით, აგრეთვე მცირე ზომის ბელურასნაირებით. გვარში 8 სახეობაა, რ-თაგან საქართველოში გვხვდება სამი: მცირე მ. (*N. leisleri*), გიგანტური მ. (*N. lasiopterus*) და წითური მ. (*N. noctula*). სამივე სახეობა ახდენს სეზონურ მიგრაციას. წითურ მ-ს აღმ. კავკასიაში აქვს მუდმივად ბინადარი პოპულაცია. მავნე მწერების განადგურებით დიდი სარგებლობა მოაქვთ.

ა. ბუხნიკაშვილი
